



REPUBLIKA E SHQIPËRISË

REPUBLIKA E SHQIPËRISË

BASHKIA VAU I DEJËS

KËSHILLI

Nr. 1780 Prot.

Vau i Dejës, më 18.03.2026

## RAPORT MBI PUNËN E KËSHILLIT TË BASHKISË PËR 12 - MUJORIN E VITIT 2025

Të nderuar këshilltarë!

Këshilli Bashkiak, si organi përfaqësues dhe vendimmarrës i qeverisë bashkiake, i ushtron përgjegjësitë e tij qeverisëse, duke respektuar parimet e demokracisë vendore, transparencës qeverisëse, ligjshmërisë, duke përdorur me ekonomi, efikasitet dhe efektivitet burimet njerëzore, financiare, fizike e natyrore si dhe teknologjike të Bashkisë.

Veprimtaria e Këshillit Bashkiak mbështetet në zbatimin e detyrimeve që burojnë nga ligjet, aktet nënligjore në zbatim të tyre si dhe rregulloret e miratuara nga vet këshilli.

Më poshtë po paraqesim disa nga aktivitetet e Këshillit Bashkiak Vau i Dejës për vitin 2025:

### Vendimmarrja

Gjatë vitit 2025 janë zhvilluar 69 mbledhje komisionesh me pjesëmarrjen e 157 këshilltarëve. Numri më i madh i mbledhjeve të komisioneve është ai i komisioneve të përhershme me 48 mbledhje.

Për periudhën Janar - Dhjetor 2025, janë mbajtur 14 Mbledhje të Këshillit Bashkiak, janë marrë në shqyrtim 93 projektvendime nga të cilat janë miratuar 86 vendime gjithsej në Këshillin Bashkiak Vau i Dejës, nga të cilat për 80 vendime është shprehur pozitivisht për ligjshmërinë Institucioni i Prefektit të Qarkut Shkodër dhe 6 vendime janë kthyer për rishqyrtim/plotësim, ndërsa 7 projektvendime janë kthyer nga këshilli për plotësim.

Numrin më të madh të vendimeve e përbëjnë vendimet që kanë të bëjnë me projekt vendime të paraqitura nga Drejtoria e mbrojtjes, përshirjes dhe strehimit social që zënë rreth 34%, ndërsa projekt vendimet për dhënie në përdorim apo me qira të sipërfaqeve të fondit pyjor zënë rreth 16%. të vendimeve të marra në total.

Mund të përmendim si vendime kryesore gjatë vitit të kaluar si:

1. Miratimi i tavaneve buxhetore për vitin 2026 dhe PBA 2026-2028.



2. Miratimi i vendimeve për dhënie ndihmë financiare familjeve që kanë pësuar dëme nga fatkeqësitë natyrore.
3. Miratimi i vendimit për miratimin e vlerës maksimale të subvencionit të qirasë në tregun e lirë për vitin 2025.
4. Miratim i vendimit për ngritjen e komisionit të strehimit.
5. Miratim i vendimit për miratimin e planit të parandalimit dhe shuarjes së zjarreve në pyje dhe kullota për vitin 2025.
6. Miratim i Vendimit për miratimin e planit social vendorë 2025-2028, të Bashkisë Vau Dejës.
7. Miratim i Vendimit për miratimin e planit zhvillimit të turizmit 2025-2030, të Bashkisë Vau Dejës.
8. Miratim vendimi "Për miratimin e Buxhetit të vitit 2026 dhe programit Buxhetor Afatmesëm Përfundimtar 2026-2028, numrin e punonjësve për Bashkinë Vau Dejës".

Mbledhjet frekuentohen nga mesatarisht 65% e këshilltarëve. Rreth 35% e këshilltarëve nuk e frekuentojnë rregullisht mbledhjen e këshillit.

I gjithë dokumentacioni projekt vendimeve të shqyrtuara gjatë mbledhjeve të Këshillit është publikuar në faqen web të këshillit për tu dhënë mundësi qytetarëve të njihen me to. Në regjistrin online për transparencën e mbledhjeve të këshillit janë dokumentuara të gjitha informacionet mbi mbledhjet duke filluar nga thirrja e mbledhjes, oraret e mbajtjes, videot e mbledhjes dhe proces verbalet tyre. Mbledhjet e Këshillit janë transmetuar të gjitha online në facebook të Këshillit Bashkiak. Kjo i jep Këshillit Bashkiak një pavarësi në transmetimin pandërprerje livestream të mbledhjeve dhe i krijon mundësi të jetë transparent në lidhje me të gjitha vendimet që merr dhe problemet që trajton për ti ardhur në ndihmë qytetarëve.

Kërkesat dhe ankesat e qytetarëve

Në Këshillin Bashkiak Vau i Dejës për periudhën Janar-Dhjetor 2025 janë regjistruar 8 kërkesa/ankesa të cilat janë trajtuar shkresërisht. Pjesa më e madhe kërkesave ka qënë për problemet e ish pronave dhe për hapje rrugësh të reja etj. Ka shumë pak ankesa nga qytetarët, me të cilët duhet shtuar komunikimi për ti ftuar ata të adresojnë shqetësimet e tyre tek Këshilli Bashkiak. Gjatë kësaj periudhe ka patur 1 (një) peticion dhe nismë qytetare të depozituara në Këshill me objekt ngritjen e një çerdhe-kopësht me drekë në Bashkinë Vau Dejës, peticion i cili është shqyrtuar nga ana e Këshillit dhe është përfshirë në buxhetin e vitit 2026 të Bashkisë Vau Dejës. Këshilli Bashkiak në kordinim me Bashkinë do ti japë përgjigje të gjithë shqetësimeve të qytetarëve me mundësitë që ka në dispozicion. Të gjitha kërkesat dhe ankesat janë të publikuara në regjistrin online të kërkesë-ankesave në faqen web të Këshillit Bashkiak.



## Konsultimi me publikun

Këshilli Bashkiak i ka kushtuar vëmendje të veçantë dëgjësave publike për projektaktet për të cilat kerkohet nga ligji. Jane zhvilluar 8 degjesa publike për 12 projektakte, kryesisht projekt akte të dhënies me qera apo në përdorim të sipërfaqeve pyjore, kullosore apo pronave të tjera të Bashkisë me qëllim zhvillimi dhe përmirësimi të tyre, për miratimin e taksave dhe tarifave vendore në Bashkinë Vau i Dejës, Mbi miratimin e Projektbuxhetit të Parë Afatmesëm 2026-2028 në Bashkinë Vau i Dejës.

Në dëgjesa morën pjesë një numër i konsiderueshëm i banorëve, qytetar, biznese, grupe interesi, anëtar këshilli konkretisht, janë dhënë rekomandime të cilat janë marrë parasysh nga bashkia. Te gjitha informacionet për konsultimet me publikun janë publikuar në regjistrin online për konsultimet me publikun në faqen web të këshillit bashkiak.

### Aktivitetet kryesore të Këshillit

Gjatë vitit 2025 në bashkëpunim me Projektin Bashki të Forta janë realizuar disa trajnime për këshilltarët dhe anëtarët e disa komisioneve si dhe Kryetarin dhe Sekretarin e K.B.

Me datë 12.11.2025, Këshilli Bashkiak ka realizuar Open Day me grupe të ndryshme interesi lidhur me aktivitetin e tij gjatë vitit 2025.

Këshilli Bashkiak Vau i Dejës për aktivitetet e vitit 2025 ka shpenzuar 145.000 lek. pa honoraret e këshilltarëve, të cilat janë të përjashtuara nga kjo shumë.

Pjesa më e madhe e buxhetit është shpenzuar për kancelari dhe shpenzime të tjera për mbarëvajtjen e aktiviteteve të Këshillit Bashkiak.

Këshilli Bashkiak ka miratur planin e Aktiviteteve, Vendimarrjes dhe Konsultimeve për vitin 2026 të shoqëruar me një buxhet prej 3.488.000 lek.

Këshilli Bashkiak ka marrë pjesë në aktivitete të organizuara për veprimtari të ndryshme si psh: Takim me shoqata të ndryshme joqeveritare që operojnë në Bashkinë tonë.

Sekretari i Këshillit

Ardian Celepija

